

Nyob Zoo Txog Rau Vaj Tswv Cov Neeg Hmov Tshua Hauv Lub Xeev Minnesota,

Thov kom muaj kev zoo siab thiab kev ywj pheej pub rau koj los ntawm Vaj Tswv uas yog tus tsim peb thiab los ntawm Vaj Tswv leej tub Yes Xus.

Nyob rau ncuab pib ntawm Lub Cuaj Hlis Ntuj, kuv tau mus tom Lub Tshawj Trinity ntawm Park Rapid. Ua ntej kuv mus, kuv tau nug Tus Xib Fwb Steve Schaitberger los qhia ib qho chaw zoo nuv ntses ntawm cheeb tsam rau kuv. Kuv tau hais ceev nrooj tias kuv tsis muaj lub nkoj caij nuv ntses los sis lwm hom nkoj li, yog li ntawd kuv thiaj li yuav tsum tau nuv ntses tim ntug dej. Steve tau hais yam tsis muaj kev cia siab tias, "Mus rau sab qab teb kawg nkaus ntawm tus niam dej Long Lake. Yuav muaj ib lub pas dej me uas yog ua tus me nyuam hav dej ntws mus rau hauv lub pas dej loj uas yuav muaj cov ntses walleye ntau heev". Tom qab uas kuv tau sab heev los ntawm pawg neeg ntseeg ntawm Lub Tshawj Trinity raws li ib txwm, thiab tus neeg uas lawm qab kawg nkaus tau tawm ntawm lub chaw tos txais, kuv thiaj tau hloov kuv lub kaus mom nuv ntses, thiab mus ncaj qha rau tom qhov chaw nuv ntses. Kuv yeej nuv tsis tau ib tug ntses walleye nyob rau tav su ntawv li, tab sis kuj nuv tau me ntsis uas yog lwm yam ntses xws li: ntses bass, ntses bluegill, ntses noob taub, ntses perch, thiab kuv kuj tsis paub thiab, tej zaum kuj muaj ob peb hom ntxiv. Thaum kuv tau nco dheev txog ib lo lus qhia "zoo thaum kawg" nyob rau tav su ntawv—thiab yog koj tsis nuv ntses, nws yuav zoo nkaus li ncaim Lub Xeev Minnesota—kuv tau sim mus nkaum nyob rau hauv ib co qab ntoo uas kuv nyuam qhuav tau paub hais tias muaj ib co dab tab tom nkaum nyob rau hauv cov duab ntxoo sij hawm thaum tav su. Raws li kuv tau kawm txog kev nrhiav kev tawm mus ntawm ntug dej uas yog los sim ua qhov kev ntxeev qab tes ua qaum tes uas yog nyuab tshaj plaws, sab ntug dej tau muab txoj sab hauv qab ntawm kuv, ua rau ob sab taw xyab mus rau saum ntuj, thiab kuv tau pw ntxeev tiaj, tau ploj mus rau hauv cov dej ntawm tus niam dej Long Lake. Kuv tau muaj kev ntxhov siab, tab sis kuj tsis pom muaj mob li cas, tsuas yog mob caj dab tes uas kuv tseem hnov mob txog tam sim no.

Los ntawm peb yawg koob tus muaj hwj chim txoj kev ntseeg, Jacob, tau tawm tsam Vaj Tswv cov ntxhais thiab tau nrhais ruam tawm khiav nrog rau tus xeeb ceem tsis ntxim nyiam, thiab Xib Fwb Loya tau tawm tsam nrog cov pab tub hu nkauj zoo, thiab tau tawm khiav mus nrog rau nws qhov mob caj dab tes. Qhov tseeb txog ntawm Jacob yog dab tsi, thiab qhov tseeb txog ntawm kuv yog dab tsi, nws yog qhov tseeb rau peb txhua tus tas nrho: txoj kev uas peb tau ua koom nrog Vaj Tswv nyob rau kaum yim lub hli dhau los tab tom yuav dhau mus ua ib qhov kev cim cia. Zaum tag los no Lub Tshawj Episcopal hauv Lub Xeev Minnesota tau tuaj sib ntsauv tag nrho hauv lub koom txoos yog ib hnuv uas koj tau xaiv kuv ua koj tus xib fwb nyob rau Lub Ib Hlis Ntuj Tim 25, 2020. Nws zoo nkaus li ib tiam neej dhau los lawm, tab sis twb tsis tau txog ob xyoos.

Tab sis xav txog txhua tsav txhua yam uas peb tau ua nyob rau lub sij hawm ntawd. Ua ntej tshaj plaws, peb tau hloov qhov kev tuaj tshawj ua online, ib tug xib fwb tau tso tseg nws lub luag hauj lwm thiab ho tau muaj lwm tus los hloov, peb tau taug kev nqua hu thiab quaj kua muag poob nyob saum txoj kev tom qab uas George Floyd tau raug tua tuag, peb tau rov tuaj ua peb lub luag hauj lwm txog ntawm kev daws kho haiv neeg, peb tau siv sij hawm ua ke ntau pua teev online ntau tshaj cov khaub lig cua xaus naus, uas yog ua rau peb tau sib cuag thooob plaws qhov txhia chaw rau hom uas peb tsis tau ntsib los dua ntau xyoo dhau los raws li pawg neeg ntseeg. Dhau ntawd, peb tau hloov lub tshawj online mus rau sab raum zoov, thiab ho hloov rov los mus rau sab hauv tsev rau qee lub sij hawm thiab ho hloov mus rau qee qhov chaw, thiab online kuj yog ib hom uas tom qab no peb xav hais tias peb tau pom duab tshav ntuj ci tuaj mus rau hauv lub qhov thiab nyob rau lub caij ntuj nag ntawm lub xyoo 2021 yuav yog ib lub sij hawm uas tos ntev rau peb cov tsev neeg tau los sib koom ua ke dua thiab rov qab los zoo li ib txwm, thiab nyob rau niaj hnub no peb los yeej tseem tsis tau ntseeg siab txog ntawm kev npaj phiaj xwm txog ntawm tej kev ua si uas yuav tsim nyob rau ob lub lim tiam tom ntej no, ntshe tseem yuav muaj li rau lub hli tom nej no. Kuv cov me phooj ywg, yog tias Lub Ib Hlis Ntuj 2020 zoo li ib tiam dhau los, ntawd vim hais tias nua sij hawm nees nkaum-ob lub hlis dhau los uas tau nkag los rau hauv peb lub neej tau quab yuam peb ntiv qhov uas peb niaj hnub ua mus rau tsib lub xyos los sis ntau dua ntawv.

Tab sis, peb tseem muaj qhov sab thiab qaug zog, nyob rau ntawm no. Peb tseem nyob rau ntawm no vim yog peb cov neeg ntseeg txoj kev tshwj xeeb tau coj peb hla dhau tej kev nyuab, xwm txheej nyuab: nrog rau kev ntseeg, kev thev taus, nrog rau kev coj zoo, thiab nrog rau kev lub siab tawv uas tseeb tiag. Kuv xav hais ua tsaug rau nej sawv daws uas nej tau ua tiav tej ntawv, thiab tshwj xeeb yog ua tsaug rau peb cov xib fwb rau lawv txoj kev coj peb hla dhau tej xwm txheej phem no. Kev ua ib tug neeg ntseeg los sis tus saib xyuas tshawj hauv lub tshawj no nws yuav nyuab heev, tab sis thaum koj hla dhau qib kev txiav txim siab suav txhiab zaus los ntawm Tus Kab Mob Khaus Viv (COVID), txhua tus tib neeg ntawm cov uas muaj peev xwm thiab yuav raug tham los ntawm ib leej tib neeg twg, thiab tag nrho tej kev sib kis tus kab mob uas tau ua rau lub neej muaj kev nyuab thiab nyav, dhau ntawd qhov tseeb nws yog ib qho uas zoo heev txawm hais tias peb tau tuaj txog rau lub koom txoos no sab zog, chim siab rau Tus Kab Mob Khaus Viv (COVID) thiab tau muaj txoj kev txhawj xeeb tias leej twg yuav rov qab los los sis peb yuav dhau mus ua yam dab tsi, txawm tias peb yuav rau cim tseg thiab raug mob li Jacob, peb yeej tseem nyob rau ntawm no. Peb tseem nyob rau ntawm no, ua tus duab tshav ntuj ci mus rau ntiaj teb txoj kev tsaus ntuj. Ua tsaug rau qhov uas koj tseem muaj peb nyob rau ntawm no.

Tab sis, cov me phooj ywg hmov tshua, lub neej yav pem suab ne ho yog dab tsi? Peb yuav ua dab tsi, txeeb dab tsi, raug dab tsi quab yuam, thiab raug cim tseg raws li tau ua dhau los?

Koj puas paub, yog tias kuv sawv nyob rau ntawm no thiab muab lo lus teb uas muaj txoj kev ntseeg siab pub rau koj txog ntawm tej ntawv, kuv yuav yog tus neeg dag uas tab tom muag txoj kev ntseeg siab cuav rau koj, tsis yog ib tug xib fwb uas hlub koj txaus los qhia qhov tseeb rau koj. Yog li ntawd, “kuv los kuj tsis paub thiab” tias nws yuav yog lo lus teb uas dawb huv.

Tab sis ntawm no yog qhov kev pom zoo: nws tsis zoo li peb tsis muaj daim phiaj qhia kev los sis daim ntawv taw qhia. Peb ib daim phiaj qhia thiab peb ib daim ntawv taw qhia yog peb Tus Tswv Yes Xus, thiab nws tus ntoo khaub lig. Nyob rau qhov tseeb tiag thiab tsis tseeb tiag, thaum uas txhua yam zoo li yooj yim thiab thaum peb sawv ib sab phab ntsa, peb lub luag hauj lwm, yuav dhau mus ua ib lub zej zog uas yooj yim tas mus li uas zoo xws li Tus Tswv Yes Xus. Nws yeej yog qhov yooj yim thiab nws yeej yog qhov nyuaj.

Yog li qhov kuv xav ua yav tav su no yog caw koj los txiav txim plaub nqi lus kev pom zoo uas kuv ntseeg tias yuav yog qhov tseem ceeb rau peb lub peev xwm los ua cov hauj lwm uas nyob rau peb lub neej ntawm xyoo yuav los no.

**Nqi lus kev pom zoo thib ib yog peb yuav tsum ntseeg peb Tus Tswv Yes Xus, thiab peb yuav tsum saib peb Tus Tswv Yes Xus ua tus qauv txog rau qhov uas peb tau raug hu kom dhau los mus ua.**

Kaum yim lub hli uas tau ua koj tus xib fwb nws ntev txaus rau nej txhua tus uas tau ntsib tej kev tswj tuav uas zoo tsis txaus los ntawm kuv tus kheej. Kuv xav hais thov txim uas tau hais li ntawv, Vaj Tswv txoj kev xav tau yog, koj yuav tsum muaj txoj sia nrog rau tej ntawv rau ntau xyoo uas yuav los tom ntej. Tab sis txawm li cas los xij koj tuaj yeem thuam txog ntawm kuv yam raug, yam uas kuv xav kom koj paub yog kuv yog ib tug neeg ntseeg. Kuv yeej ntseeg tiag hais tias tus ntsuj plig ntawm lub qab ntuj khwb no yog txoj kev sib hlub, Vaj Tswv tsom kwm. Kuv ntseeg hais tias Tswv Yes Xus yog nqe lus uas zoo tshaj plaws ntawm txoj kev sib hlub ntawv, thiab txoj kev uas nws tau muab nws txoj sia qhia rau peb paub txog ntawm lub neej tiag thiab kev kho rau lub ntiaj teb no. Kuv ntseeg hais tias kev sawv rov los ntawm Tswv Yes Xus qhia rau peb paub txog ntawm kev muaj yeej ntawm txoj kev hlub thiab kev ncaj ncees uas peb tau raug kom nthuav qhia mus rau tag nrho hauv ntiaj teb no. Kuv yeej ntseeg li ntawv tiag. Thiab yog hais tias peb yuav mus ntsib teb xwm txheej no ntawm peb xub ntiag, peb yuav tsum tau ntseeg tej no ua ke tiag. Yog li ntawd koj puas yuav pom zoo los taug txoj kev no ua ke zoo yam li peb sawv daws yeej ntseeg Tswv Yes Xus tiag?

**Nqi lus kev pom zoo thib ob yog kuv xav caw nej tuaj rau hnuv no yog, peb yuav tsum coj tus yam ntxwv zoo li peb yog ib lub cev ntaj ntsug.**

Txij li thaum tau muaj kev lees paub thiab ua kev cai raus dej rau txhua txhia qhov chaw uas kuv tau mus pom, thawj lo lus uas kuv tau hloov pauv nrog cov koom txoos txhua lub lim tiam yog

cov ntsiab lus piav ntawm Efexaus 4: "Muaj ib lub cev thiab ib tug ntsuj plig. Muaj ib txoj kev cia txog ntawm Vaj Tswv kev nqua hu txog peb. Ib Tug Tswv, ib txoj kev ntseeg, ib txoj kev raus dej. Ib Tug Tswv thiab Leeg Txiv rau txhua tus" Nws ua rau muaj kev zoo siab tshua zaus uas qhia rau koj thiab muaj kev qhia los ntawm txog qhov tseem ceeb ntawm peb txoj kev sib koom siab. Nws yeej tsis tuaj yeem qub tau li. Kuv tau paub hais tias ib qho ntsiab lus tseem ceeb uas kuv tau ua tus xib fwb yog tau qhia rau peb sawv daws hais tias peb yeej yog ib pab los tas mus li. Peb yog ib pab neeg ntseeg uas loj heev, nthuav dav mus li ntawm 87,000 mais (miles), hla mus rau ntau lub teb chaws, thiab peb muaj ntau haiv neeg hauv txhua txoj kev. Nws yog ib qho khoom plig uas zoo heev, thiab nws yog ib qho ntawm qhov tseem ceeb uas kuv tau raug hu tuaj koom nrog nej sawv daws. Thaum peb tau ua qhov uas zoo tshaj plaws, peb ua kev zoo siab rau qhov ntawv thiab peb ua kev zoo siab rau peb txhua tus. Tab sis thaum peb poob rau qhov phem tshaj plaws, hauv Lub Xeev Minnesota, peb tuaj yeem coj tus yam ntxwv li peb yog pab pawg uas muaj kev sib tw rau tej yam me, sib txeeb kev ncaj ncees thiab lub koob npe. Thaum peb poob rau qhov phem tshaj plaws, peb tuaj yeem pom qhov zoo ntawm lwm tus tib neeg tias yog tawm tsam nrog peb. Yog hais tias peb yuav mus ntsib teb xwm txheej no ntawm peb xub ntiag, yuav tsis txhob ua.

Coj tus yam ntxwv zoo yam li peb yog ib lub cev ntaj ntsug txhais hais tias kuv yeej ib txwm pom qhov zoo ntawm koj tam li qhov zoo ntawm kuv. Dab tsi uas zoo rau ib seem ntawm lub cev yeej zoo rau tag nrho hauv lub cev, qhov mob uas hnov mob rau ib seem ntawm lub cev yeej yog tshwm sim los ntawm tag nrho ntawm lub cev. Peb tag nrho yeej yog pab pawg ntawm Tus Tswv Yes Xus, thiab nws yeej tsis yog kuv los sis koj, nws yeej tsis yog pab pawg no los sis pab pawg tov. Nws yeej ib txwm yog thiab tsuas yog Tus Tswv Yes Xus nkaus xwb.

Peb txaus lawm, peb muaj txaus lawm, Vaj Tswv txoj kev hlub nws loj txaus lawm uas yuav muab pub rau peb thiab pab rau peb txhua tus. Peb puas yuav tuaj yeem coj tau tias peb yog ib lub cev?

**Nqi lus kev pom zoo thib peb yog kuv xav caw nej tuaj rau hnub no yog peb yuav tsum ua lub siab ntev, rau peb tus kheej, rau Tus Tswv, rau peb txhua tus**

Tej zaum kuv yeej yog ib tug neeg ntseeg, tej zaum kuv yeej ntseeg tiag hais tias peb yog ib lub cev ntaj ntsug tiag, tab sis kuv tsis yog tus tib neeg siab ntev. Tsis ntev los no kuv tau muab daim ntawv txog lub hom phiaj rau Canon Schuster tias kuv muaj txoj kev cia siab hais tias peb yuav ua kom tiav nyob rau xyoo yuav los tom ntej no, thiab thaum uas kuv tau nug nws txog ntawm cov hom phiaj ntawv, kuv tau pom tau hais tias nws tau cheem nws tus kheej kom tsis txhob luag rau kuv thiab nws tau hais tias, "Xib Fwb, kuv xav hais tias peb yuav tuaj yeem ua tau tag nrho cov hom phiaj ntawv nyob rau peb xyoo txog rau tsib xyoo tom ntej no, mas nws thiaj li yuav tshwm sim tej yam dab tsi tuaj os." Hauv kuv nruab siab, txhua tsav txhua yam yuav tsum siv sij hawm li tsib feeb xwb, tab sis qhov tseeb tiag, nws siv sij hawm ntev dua ntawv.

Kuv vam thiab cia siab tias nej txhua tus yeej tau hnov kuv hais ua ntuv zus tias tam sim no kuv nyiam kuv qhov hauj lwm no heev. Kuv yeej nyiam tiag thiab kuv yeej tsis tau xav txog kev muaj siab rau lwm yam ntau tshaj hauv kuv lub neej. Tab sis kuv tsis ruam thiab kuv yeej lees paub hais tias nws yeej nyuab ib yam, rau nej txhua tus, nyob rau ntau hnuv thaum ncuaj sij hawm kawg ntawd ntshe kuv yuav muaj kev khuam siab thiab kev ntshaus siab heev. Qee qhov kev khuam siab ntawv ntshe yuav yog ntawm lub tshawj, hais tseeb, tab sis feem ntau ntawm qhov kev ntshaus siab thiab kev khuam siab ntshe yuav yog qhog uas kuv tau pom kuv txoj kev npam thiab kev txwv txiav ntawm txhua txhia hnuv. Nej tag nrho tau muaj txoj kev ntseeg siab rau kuv, peb tau ntsib cov xwm txheej loj tam li lub tshawj nyob rau ntawm peb xub ntiag, thiab kuv los yeej tsis xav kom muab tej no coj los hais.

Tab sis kuv yuav tsum nco cia hais tias nws siv sij hawm rau peb yam tsawg kawg 500 xyoo rau peb txoj kev ncaj ncees, qhov chaw peb nyob tam sim no, yog li ntawv, nws yuav tau siv sij hawm los mus txhim kho tej yam qub no nws thiaj li yuav pab kom peb mus txog peb lub hom phiaj. Kuv yuav tsum tau rub lub siab ntev rau kuv tus kheej, rub lub siab ntev pub rau koj, rub lub siab ntev rau Tus Tswv, thiab peb txhua tus yuav tsum tau pom zoo rau qhov kev rub siab ntev rau txhua txoj hau kev yog hais tias peb tsis xav kom muaj kev sib nrug deb ntawm lub luag hauj lwm no nyob rau thaum ua qhov txheej txheem kev hloov pauv. Peb puas yuav tuaj yeem rub lub siab ntev tau?

### **Thaum kawg no, qhov tseem ceeb tshaj plaws, peb yuav tsum pom zoo tuag ua ke.**

Muaj nej coob tus tau qhia paub tias thaum tus Xib Fwb Canon Lydia Kelsey Bucklin hais nyob rau hauv nws cov lus qhuab qhia uas yog kuv tau zaum nyob rau ntawm St. Mark's Cathedral tias peb yog cov thawj tswj hauv lub tshawj uas tab tom yuav tuag, thiab txoj kev tuag nws tsis yog qhov uas xaus. Lub Tshawj Episcopal tau yog lub tuam tsev uas tsis raug ntshem tawm hauv ntsiab muag los tau tsib caug tawm lub xyoo no lawm. Dhau tag nrho cov sij hawm ntawv, peb tau teb zoo yam li peb yeej tsis ntseeg Tswv Yes Xus. Peb tau txhawj xeeb txog nws, peb tau tsis lees paub nws, peb tau txiav txiam siab tawm tsam nrog tej yam kev cuam tshuam me lawm, peb tau sim tsim tej phiaj xwm kev muaj peev xwm lawm. Yog lub sij hawm uas ntev heev los lawm, uas peb tau caum raws lub zeem muag ntawm kev muaj yeej uas yog ntsuam xyuas los ntawm ntiag teb tus qauv ntawm qhov loj hlob, kev nplua nuj, thiab kev muaj hwj chim uas yog tiag mas yuav tsum yog lub zeem muag zoo li Tswv Yes Xus txoj kev txom nyem thiab raug ntsia ntawm tus ntoo khaub lig.

Tab sis cov me phooj ywg, peb yuav tsum tau tuag. Tswv Yes Xus twb tau hais rau peb hais tias ntawv yog qhov kev cog. Tab sis yog peb yeej ntseeg Tus Tswv Yes Xus tiag, yog peb yeej xav sim ua kom zoo li Tus Tswv Yes Xus tiag, peb yuav tsum tau paub hais tias peb yuav tsis khaws nws cia thiab swb rau nws thaum txoj kev tuag los hu txog. Tam li ib tug uas raws Tswv Yes

Xus, peb yuav tsis ntsib txoj kev tuag nrog kev quaj hu thiab tom peb cov hniav. Peb yuav ntsib txoj kev tuag nrog lub suab alleluia vim tias peb tau paub los ntawm Tus Tswv Yes Xus tias kev ua leej tib neeg nyob tsuas yog pub rau txoj kev tuag, qhov tseeb ntawm kev noj zaub noj mov mus yug yus lub cev yog los ntawm kev sib faib, thiab kev txhawb siab tiag yog los ntawm kev nthuav txoj kev sib hlub mus kom dav dua.

Txoj kev ntseeg uas peb ntshai tsam plam yog qhov xwm txheej loj heev uas yog los ntawm tej kev tswj tuav ntawm cov faj tim teb chaws thiab cov neeg tawv dawb uas muaj hwj chim loj thiab kev kav teb chaws uas yog muab tus txiv saib hlob thiab kev rhuav tshem cov tib neeg uas ib txwm nyob thiab kev raws tua neeg hauv lub ntiaj teb, thiab lwm yam ntxiv. Vaj Tswv twb tau muab tej ntawv tshem tawm ntawm peb ob sab tes los ntev dua tsib caug xyoo rau tam sim no thiab peb yeej tseem tawm tsam vaj tswv txhua kauj ruam. Yog li ntawv, lub tshawj yuav tsum tsis tuag, tsis raug sau ua dab neeg, nws yog peb, peb tej kev txhaum thiab kev teev hawm uas nyob rau hauv ib txoj kev uas yog pawg ntseeg uas sib koom tes los ntawm tej kev tswj hwm uas Tswv Yes Xus tau nqis los pab thiab cawm. Ntawv yog txoj kev tuag. Tam sim no yog lub sij hawm uas peb yuav tsum tau tso tseg lawm, thiab tso tseg tej kev sib ntaus sib tua, mauj txoj kev tuag uas dawb huv uas yog mus ua tus neeg ntseeg nyob rau hauv Vaj Tswv txoj kev hlub. Peb puas yuav tso tseg tau, peb puas yuav nyoo txim los mus hloov ua ib tug neeg ntseeg uas saib siab txoj kev teev hawm, thiab tso kom nws ploj mus, uas yog ntseeg tus vaj ntsuj plig los mus qhia txoj hau kev pub rau peb mus yav tom ntej?

Kuv yeej tsis ntseeg hais tias tus ntsuj plig yuav hais kom peb dhau los mus ua ib tug kws txawj uas tuaj yeem daws kho tej kev kub txhov nyob rau lub sij hawm no kom muaj kev tswj tuav thiab cov qauv zoo dua. Kuv ntseeg tau hais tias tus ntsuj plig tab tom caw peb sawv daws los mus tso tseg uas yog tig rov qab mus rau tej kev nyob yooj yim thiab tsim tej thwj tim: kev teev hawm ua ke, sib faib lub neej txoj sia thiab txoj hau kev tiag, qawm cov neeg txom nyem thiab cov neeg uas raug cais pab cais pawg. Kuv ntseeg tau hais tias Vaj Tswv tab tom pab peb rov qab mus rau hauv tshawj uas coj zoo ib yam li Tswv Yes Xus.

Plaub yam tseem ceeb ntawm kev ua ib tug thwj tim yog ncaj ncees, tsim kev dawb huv, thiab muaj lub neej luag txhi uas peb twb tau hais nyob rau xyoo tag los no uas los pab rau peb pib nqis tes ua cov hauj lwm ntawv. Tag kis thiab nyob rau ob peb hnuv thiab lub lim tiam yuav los tom ntej no koj yuav tau pom ib qho hauj lwm ntawm kev ua tej kev xav txog kev muaj lub neej luag txhi uas yuav pab rau peb dhau mus rau lub neej yooj yim, thiab muaj lub tshawj uas yooj yim. Thiab ntau txoj hauj lwm nyob rau xyoo tom ntej peb pob nyiaj uas nyob rau hauv peb kev tswj tuav, peb kev qhia paub thiab kev kawm paub thiab kev sib sau ua ke yuav raug mauj los mus qhia paub rau peb kom ntau thiab ntau txog ntawm tej kev rov qab mus zoo li yav thaum ub. Mus raws Tus Tswv Yes Xus, mus nrhia txoj kev tshav ntuj, mus ntsib Vaj Tswv tus uas twb tau mus los lawm.

Peb yuav tsum ntseeg. Peb yuav coj li peb yog ib pab pawg. Peb yuav tsum tau rub lub siab ntev. Thiab peb yuav tsum lees txais txoj kev tuag.

Kuv yuav tsis dag koj vim hais tias kuv hluv koj. Ntau yam uas peb yuav tau ntsib nyob rau xyoo yuav los tom ntej no yuav nyuab heev, thiab hais yam siab dawb paug, ntau yam ntawm nws yuav tsis muaj kev lom zem. Yog li ntawv peb txhua tus, nrog rau kuv tus kheej, hais tiag, tuaj yeem mus nce tsheb luv fais tam sim no yog hais tias koj xav mus, thiab leej twg yuav tuaj yeem cem lawv? Hais txog ntawm kuv, kuv tsis muaj lwm txoj hau kev uas yuav rov lawm. Kuv yeej ntseeg Tus Tswv Yes Xus Tiag. Kuv yeej ntseeg tias kev hluv yog tus ntsuj plig hauv lub ntiaj teb no. Kuv ntseeg tias kev hluv ua rau peb txo peb txoj sia tau txhawm rau kom tau muaj lub neej txoj sia. Kuv ntseeg hais kev hluv yog ib qho cuab zog uas tseem ceeb tshaj plaws rau kev hloov thiab kho lub ntiaj teb, thiab kuv ntseeg hais tias peb lub ntiaj teb tab tom xav tau txoj kev hluv ntawv. Yog li ntawd kuv thiaj li xaiv Tswv Yes Xus, thiab kuv thiaj li xaiv koj, nyob rau Lub Xeev Minnesota, txawm hais tias yuav muaj lwm txoj hau kev uas ntxim li yuav mus ncig ua si yooj yim, los sis zoo li sib twv ua kom nyab xeeb dua.

Txoj kev kis kab mob no yuav ua ib qho chaw cim tseg. Pom tau hais tias, qhov chaw cim ntawv yog Vaj Tswv txoj kev cog lus los mus muab kev hluv pub rau peb, thiab tuav peb cia, thiab tsim rau peb txhua tus. Thov ua tsaug rau Tus Tswv rau koj qhov khoom plig uas tsis muaj hnuv ntau nqi tau uas koj tseem nrog peb taug txoj kev no mus ua ke.

Xa tuaj mus nyob rau hnuv tim tsib ntawm Lub Kaum Ib Hlis Ntuj, xyoo 2021 ntawm peb Tus Tswv, thiab tuaj ntawm stunning shores ntawm lub Lake Bemidji,

Tus Xib Fwb Craig William Loya

#10